

奇嵐州志序

光緒三年春

宮保勲伯湘鄉曾公奉

天子命巡撫晉中下車伊始百廢具興已而廣搜志乘以爲採風問俗之資因見舊志殘廢已甚乃

慨然思所以修之於是設通志
局於省會檄下郡縣尅日增修
務爲完書然後上之省局以集
其成比歲以來各郡邑承命不
遑漸告竣事辛巳秋署岢嵐刺
史北平聶君鴻年乃以州志定

本問序於余余受而讀之見其
書爲卷凡十有二列目六十有
六凡一州之山川疆域田賦風
土閭閻物產與夫建置之沿革
民物之盛衰以及古今之名宦
先賢忠臣孝子義夫節婦之嘉

言懿行罔不搜採真確編載無
遺又復體例嚴明條分而縷晰
秉筆者於斯蓋不知幾費經營
矣攷之舊序州志自康熙壬子
重修迄今垂二百年其間因革
變遷今昔殊異牧斯土者將欲

問民生之休戚稽政聲之異同
斟酌損益以勵風俗而求治理
非賴之搜採補輯之功不且茫
然而無所據乎然則是書之成
所關蓋非淺矣是書始事者爲
湘鄉吳君光熊洎辛巳年乃告

成於聶君而其搜羅之富編纂
之勤與乎校讐核對之審慎則
聶君之功不啻倍蓰焉由是而
一州之志卽彙而成一郡之志
而通志且因之以成其庶幾一
邦之信史卽以備一代之輶風

余與聶君樂拭目以觀厥成也
是爲序

皆

光緒七年歲次辛巳小陽月上澣
賜進士出身翰林院庶吉士鹽運使
銜在任候補道知太原府事楚

南左
雋撰

續修岢嵐州志序

岢郡志書失修垂二百年其間
因革變遷今昔迥異爲之牧者
將欲斟酌損益勵俗維風鑑古
衡今因時求治不幾茫然無據
乎則採訪補輯之不容緩也彰

彰明矣丁丑春

宮保曾爵憲來撫是邦見志乘之
久廢不禁慨然商同各憲爰

立通志局以集大成飭下郡縣
循名覈實增續補修是書也豈

惟彌郡史之闕文抑亦攷國風

之隆替今之視昔後之視今咸
有以觸目警心而勤求治理所

關豈淺鮮哉己卯秋前任吳君

光熊奉令開辦甫有就緒旋即

調派從戎

鴻年

捧檄代庖敬謹

接辦復與秉筆之史學官文炳

及原辦寅紳詳加核對躬親校
讎分晰陳新叅互考訂始得告
成查岢嵐僻處山陬地本荒服
雖彈丸蕞爾而俗近敦龐我

國朝二百年來厚澤深仁有加無

已免丁減賦

德被垓埏迄今野老含哺羣黎鼓腹
相安於不識不知之則共樂夫

不雕不琢之天以眎省南被災
之區衝繁之邑誠爲樂土矣第
山高田瘠絕少平原地廣人稀
苦無產殖土人儉而不勤業農

賈者率多他鄉外省之人以故
直豫秦隴川楚客民錯趾於境
來往靡常而客富於主又人丁
欠旺恒以外姓繼螟蛉豈五行
有所尅制歟然則牧是郡者其
宜體察訪求實心整飭責無旁

貸任有攸歸焉夫星野山川孤
虛王相曩今異勢何以別之禮

陶樂淑庠序科名霞蔚雲蒸何

以振之間閭稠密丁口盛繁果

何方以致之村鎮雲連貨財通

裕果何術以興之是非溯厥源

流培其根本十年保聚十年養
教不可而尤在有司之因利善
導有以成之也

鴻年

不學無術

民社初膺自愧鉛刀安敢妄叅
末議伏念地方利弊民生之休

戚關焉政教弛張地方之廢興

繫焉茲幸續志有成謹就見聞
之實叙諸簡端備異日蒞治諸
賢之採擇云爾

昔

光緒六年歲次庚辰嘉平月上澣
同知直隸州用署知州事候補